



Broj: 16-12-16-1610-~~24~~ /25
I. Sarajevo, ~~06~~ 06.2025. godine

Na osnovu člana 8. stav (2) tačka h) Zakona o Državnoj agenciji za istrage i zaštitu ("Službeni glasnik BiH", br. 27/04, 63/04, 35/05, 49/09 i 40/12), člana 69. stav (1) tačka b) i člana 70. st. (1), (4) i (6) Zakona o javnim nabavkama ("Službeni glasnik BiH", br. 39/14, 59/22 i 50/24), u postupku javne nabavke usluge produžanja licenci za potrebe Državne agencije za istrage i zaštitu putem otvorenog postupka nabavke, direktor Državne agencije za istrage i zaštitu, d o n o s i

O D L U K U

o poništenju postupka javne nabavke za LOT-5

Član 1.

U postupku javne nabavke usluge produžanja licenci za potrebe Državne agencije za istrage i zaštitu (daljem tekstu: Agencija), putem otvorenog postupka nabavke, za koji je obavještenje o javnoj nabavci broj 1161-1-2-41-3-45/25 objavljeno na Portalu javnih nabavki 05.03.2025. godine i u „Službenom glasniku BiH“, broj 15/25 od 14.03.2025. godine, poništava se postupak javne nabavke za LOT-5 Nabavka usluge produžanja važenja dvije licence za Mail security, jedne AMP licence i jednog Sigurnosnog sertifikata, procijenjene vrijednosti od 34.188,03 KM bez uračunatog PDV-a, iz razloga što je izabrani ponuđač „NEXIS“ d.o.o. Sarajevo, u pisanoj formi odbio dodjelu ugovora.

Član 2.

Ovom odlukom stavlja se van snage Odluka o izboru najpovoljnijeg ponuđača u postupku javne nabavke broj 16-12-16-1610-13/25 od 14.14.2025. godine (u daljem tekstu: Odluka) u dijelu člana 1. stav (1) tačka 5), kojom je kao najpovoljniji ponuđač za LOT-5 Nabavka usluge produžanja važenja dvije licence za Mail security, jedne AMP licence i jednog Sigurnosnog sertifikata, izabran ponuđač „NEXIS“ d.o.o. Sarajevo, za ponuđenu cijenu od 34.188,00 bez uračunatog PDV-a.

Član 3.

Ova odluka objavit će se na web stranici Agencije, istovremeno s upućivanjem iste ponuđačima koji su učestvovali u postupku javne nabavke.

Član 4.

Ova odluka stupa na snagu danom donošenja.

O b r a z l o ž e n j e

Odlukom direktora Agencije broj 16-12-16-1610-1/25 od 26.02.2025. godine pokrenut je postupak javne nabavke usluge produženja licenci za potrebe Agencije, procijenjene vrijednosti 211.025,62 KM bez uračunatog PDV-a. Novčana sredstva za realizaciju navedene nabavke obezbijedena su u okviru budžetskih sredstava za 2025. godinu, a na osnovu Instrukcije o privremenom finansiranju institucija Bosne i Hercegovine za period januar-mart 2025. godine, broj 05-16-2-7582-1/24 od 17.12.2024. godine i Dokumenta okvirnog budžeta 2025.-2027. godina. Za navedeni postupak javne nabavke predviđena je e-aukcija, u skladu sa Pravilnikom o uslovima i načinu korištenja e-aukcije („Službeni glasnik BiH“, broj 80/23) (u daljem tekstu: Pravilnik). Predmet javne nabavke podijeljen je na 10 lotova, a blagovremeno je dostavljeno ukupno sedam ponuda i to: ponuđača „NEXIS“ d.o.o. Sarajevo (LOT-1, LOT-2, LOT-5 i LOT-6), „MIBO Komunikacije“ d.o.o. Sarajevo (LOT-3 i LOT-4), „SAGA NFG“ d.o.o. Banja Luka (LOT-10), „KING ICT“ d.o.o. Sarajevo (LOT-7) i „UMA MULLER GROUP“ d.o.o. Sarajevo (LOT-8, LOT-9 i LOT-10), a za koje je Komisija za nabavke za potrebe Državne agencije za istrage i zaštitu u 2025. godini (u daljem tekstu: Komisija) utvrdila da su prihvatljive, odnosno da ispunjavaju kvalifikacione uslove u pogledu lične sposobnosti, sposobnosti obavljanja profesionalne djelatnosti, ekonomske i finansijske sposobnosti, kao i formalno-pravne uslove iz Tenderske dokumentacije.

U daljem radu Komisija je od Odsjeka za informatiku, komunikacije i sigurnost informatičkih sistema Sektora za operativnu podršku (u daljem tekstu: Sektor), aktom broj 16-12-16-1610/25 od 27.03.2025. godine tražila da, na osnovu uvida u ponude navedenih ponuđača dostavi stručno mišljenje, nakon čega je Sektor aktom broj 16-10-16-1610/25 od 31.03.2025. godine dostavio stručno mišljenje, u kojem je navedeno da ponude navedenih ponuđača ispunjavaju tehničke uslove tražene Tenderskom dokumentacijom.

Imajući u vidu činjenicu da je za LOT-5 dostavljena jedna prihvatljiva ponuda ponuđača „NEXIS“ d.o.o. Sarajevo, Komisija za navedeni lot nije zakazivala e-aukciju u skladu sa Pravilnikom, već je postupak javne nabavke za okončala u skladu sa članom 64. stav (1) tačka b) Zakona o javnim nabavkama („Službeni glasnik BiH“, br. 39/14, 59/22 i 50/24) (u daljem tekstu: Zakon), primjenjujući kriterij najniže cijene, nakon čega je kao najpovoljniji ponuđač za LOT-5 Nabavka usluge produžanja važenja dvije licence za Mail security, jedne AMP licence i jednog Sigurnosnog sertifikata, izabran ponuđač „NEXIS“ d.o.o. Sarajevo za ponuđenu cijenu od 34.188,00 bez uračunatog PDV-a. Nakon prijema Odluke za navedeni lot, ponuđač „NEXIS“ d.o.o. Sarajevo je dana 23.04.2025. godine, obavijestio Agenciju da odustaje od realizacije ugovora za LOT-5.

Obzirom da je za LOT-5 dostavljena samo jedna ponuda ponuđača kako je naprijed navedeno, odlučeno je da se postupak javne nabavke za LOT-5 poništi u skladu sa članom 69. stav (1) tačka b) Zakona, kako je navedeno u članu 1. ove odluke.

Pouka o pravnom lijeku: Protiv ove odluke može se izjaviti žalba Uredu za razmatranje žalbi Bosne i Hercegovine, u roku od 5 dana od dana dostavljanja iste. Žalba se podnosi putem Državne agencije za istrage i zaštitu.

DOSTAVLJENO:

- „NEXIS“ d.o.o. Sarajevo (mail-om);
- Ponuđačima (mail-om);
- Sektoru za mat.-fin. poslove;
- a/a.

DIREKTOR
GLAVNI GENERALNI INSPEKTOR POLICIJE

Darko Čulum